

Broj: 03-02-738/2018
Sarajevo, 24.03.2022. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 25-03-2022			
Org. jed.	Broj	Priloga	Vrijednost
01, 02 - 02			1271/18 B

PARLAMENT FEDERACIJE
BOSNE I HERCEGOVINE

- Predstavnički dom
gosp. Mirsad Zaimović, predsjedavajući
- Dom naroda
gosp. Tomislav Martinović, predsjedavajući

PREDMET: Izjašnjenje Vlade Federacije Bosne i Hercegovine o amandmanima na Prijedlog zakona o materijalnoj podršci porodicama s djecom u Federaciji Bosne i Hercegovine

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama člana 190. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), u prilogu Vam dostavljam **Izjašnjenje o amandmanima na Prijedlog zakona o materijalnoj podršci porodicama s djecom u Federaciji Bosne i Hercegovine, koje su podnijeli Klub poslanika Demokratske fronte u Predstavničkom domu i delegati Demokratske fronte u Domu naroda Parlamenta Federacije BiH**, a koje je Vlada Federacije Bosne i Hercegovine utvrdila na 309. sjednici, održanoj 24.03.2022. godine.

Izjašnjenje se dostavlja na službenim jezicima i pismima Federacije Bosne i Hercegovine.

S poštovanjem,



PREMIJER
Fadi Novalić

Prilog: kao u tekstu na bosanskom jeziku

Cc: Federalno ministarstvo rada i socijalne politike
gosp. Vesko Drljača, ministar

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa odredbama člana 190. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja amandmana na Prijedlog zakona o materijalnoj podršci porodicama s djecom u Federaciji Bosne i Hercegovine, koje su podnijeli Klub poslanika Demokratske fronte u Predstavničkom domu i delegati Demokratske fronte u Domu naroda Parlamenta Federacije BiH, Vlada Federacije Bosne i Hercegovine je, na 309. sjednici održanoj 24.03.2022. godine, utvrdila sljedeće:

IZJAŠNJENJE

o amandmanima na Prijedlog zakona o materijalnoj podršci porodicama s djecom u Federaciji Bosne i Hercegovine, koje su podnijeli Klub poslanika Demokratske fronte u Predstavničkom domu i delegati Demokratske fronte u Domu naroda Parlamenta Federacije BiH

AMANDMAN I

U stavu 1. člana 13. dodaje se tačka b) koja glasi:

"b) Korisnici prava iz člana 14. stav 2. ostvaruju pravo na dječiji dodatak bez obzira na visinu mjesečnih prihoda članova domaćinstva iz člana 5. ovog zakona."

U stavu 1. člana 13. dosadašnja tačka b) postaje tačka c).

IZJAŠNJENJE

Amandman se ne prihvata

Obrazloženje

Uvažavajući razloge navedene u prijedlogu ovoga amandmana, Vlada Federacije ukazuje da bi njegovim prihvatanjem neminovno došlo do znatnog povećanja obuhvata potencijalnih korisnika, a samim tim i do povećanja izdvajanja potrebnih budžetskih sredstava. S tim u vezi, te imajući u vidu da predloženi amandman ne sadrži fiskalnu procjenu, kao ni osvrt na potencijalne negativne implikacije po fiskalnu stabilnost federalnog budžeta, Vlada Federacije smatra potrebnim zadržati dužni oprez, te preporučiti da se u ovoj fazi ne ugrožava i ne dovodi u pitanje primjenjivost Prijedloga Zakona o materijalnoj podršci porodicama s djecom u Federaciji Bosne i Hercegovine intervencijama koje mogu narušiti mehanizme ciljanja porodica u socijalnoj potrebi. Osim toga, ne treba zanemariti ni činjenicu da bi se ukidanjem prihodovnog cenzusa legalizovao određeni vid socijalne nepravichnosti jer bi neminovno došlo do zadržavanja socio-ekonomskog jaza koji trenutno postoji između materijalno situiranih porodica i porodica koje se svakodnevno izložene posljedicama siromaštva zbog nedovoljnih prihoda. Eventualne dopune predmetnog propisa u pogledu uključivanja određenih kategorija djece na koje se eventualno ne bi primjenjivao prihodovni cenzus pri ostvarivanju prava na uvećani dječiji dodatak mogle bi biti predmetom razmatranja nakon određenog perioda njegove primjene kada se bude raspolagalo egzaktnim podacima o potencijalnom broju korisnika ovoga prava. Takođe treba naglasiti da je u kontekstu ove odredbe Vlada Federacije razmatrala mogućnost povećanja prihodovnog cenzusa, te je na